

In illo tempore : Jussit Jesus Discipulos suos ascendere in naviculam, et præcedere eum trans fretum, donec dimitteret turbas. Et dimissa turba ascendit in montem solus orare ; vespere autem facto, solus erat ibi : navicula autem in medio mari jactabatur fluctibus : erat enim contrarius ventus. Quarta autem vigilia noctis venit ad eos, ambulans super mare. Et videntes eum super mare ambularem, turbati sunt, dicentes : Quia phantasma est : et præ timore clamaverunt. Statinque Jesus locutus est eis, dicens : Habete fiduciam, ego sum, nolite timere. Respondens autem Petrus dixit : Domine, si tu es, jube me ad te venire super aquas. At ipse ait : Veni. Et descendens Petrus de navicula ambulabat super aquam, ut veniret ad Iesum. Videns vero ventum validum timuit. Et cum cœpisset mergi, clamavit dicens : Domine salvum me fac. Et continuo Jesus extendens manum, apprehendit eum, et ait illi : Modicæ fidei quare dubitasti ? Et cum ascendisset in naviculam, cessavit ventus. Qui autem in navicula erant venerunt, et adoraverunt eum dicentes : Vere filius Dei es.

OREMUS.

Domine Deus noster, qui gubernasti Noe super undas diluvii, et manum Petro extendisti : porrige dexteram tuam super hanc navim, et super Nauclerum, et nautas ejus ; et dona ipsis famulis tuis sanitatem animæ, et corporis, et ad portum salutis eos perducere

digneris illæcos. Qui vivis et regnas in sæcula sæculorum, etc.

Postea dicat Psalmum sequentem :

PSALMUS LXXVI.

Voce mea ad Dominum clamavi : * voce mea ad Deum, et intendit mihi.

In die tribulationis meæ Deum exquisivi, manibus meis nocte contra eum : * et non sum deceptus.

Renuit consolari anima mea : * memor fui Dei, et delectatus sum, et exercitatus sum : et defecit spiritus meus.

Anticipaverunt vigilias oculi mei : * turbatus sum, et non sum locutus.

Cogitavi dies antiquos : * et annos æternos in mente habui.

Et meditatus sum nocte cum corde meo : * et exercitabar, et scopebam spiritum meum.

Numquid in æternum projiciet Deus ? * aut non appetet ut complacitor sit adhuc ?

Aut in finem misericordiam suam abscindet : * à generatione in generationem ?

Aut obliviscetur misereri Deus ? * aut continebit in ira sua misericordias suas ?

Et dixi, Nunc cœpi : * hæc mutatio dexteræ Excelsi.

Memor fui operum Domini : * quia memor ero ab initio mirabilium tuorum.

Et meditabor in omnibus operibus tuis : * et in adinvencionibus tuis exercebor.

Deus in sancto via tua : quis Deus magnus sicut Deus noster ? * tu es Deus, qui facis mirabilia.

Notam fecisti in populis virtutem tuam : * redemisti in brachio tuo populum tuum, filios Jacob et Joseph. Viderunt te aquæ Deus, viderunt te aquæ : * et timuerunt, et turbatæ sunt abyssi.

Multitudo sonitus aquarum : * vocem dederunt nubes. Etenim sagittæ tuæ transeunt : * vox tonitrui tui in rota. Illuxerunt coruscationes tuæ orbi terræ : * commota est, et contremuit terra.

In mari via tua, et semitæ tuæ in aquis multis : * et vestigia tua non cognoscentur.

Deduxisti sicut oves populum tuum : * in manu Moysi et Aaron.

Gloria Patri, et Filio, et Spiritui Sancto, etc.

Et interim aspergat medium navis aqua benedicta.

Deinde in prora navis dicat :

¶. Dominus vobiscum.

¶. Et cum spiritu tuo.

¶. Sequentia sancti Evangelii secundum Lucam.

¶. Gloria tibi Domine.

Lucæ, v.

In illo tempore : Cum turbæ irruerent in Jesum, ut audirent verbum Dei, et ipse stabat secus stagnum Gennesareth. Et vidit duas naves stantes secus stagnum : pescatores autem descenderant, et lavabant retia. Ascendens autem in unam navim, quæ erat Simonis, rogavit eum à terra reducere pusillum. Et sedens doce-

bat de navicula turbas. Ut cessavit autem loqui, dixit ad Simonem : Duc in altum, et laxate retia vestra in capturam. Et respondens Simon, dixit illi : Praeceptor, per totam noctem laborantes nihil cepimus, in verbo autem tuo laxabo rete. Et cum hoc fecissent, conluse-
runt piscium multititudinem copiosam ; rumpebatur au-
tem rete eorum : et annuerunt sociis, qui erant in alia
navi, ut venirent, et adjuvarent eos. Et venerunt, et impleverunt ambas naviculas.

OREMUS.

Domine Jesu-Christe, qui in similitudinem navis Ecclesiæ, Noe arcā fieri voluisti, ut inundante diluvio, soli qui in ea inventi essent, salvarentur : suppliciter exoramus clementiam tuam, ut huic navi saluberri-
mum profectionis cursum passim, jugiterque concedas. Qui vivis, et regnas, etc.

Postea dicat Psalmum sequentem :

PSALMUS XLV.

Deus noster refugium et virtus : * adjutor in tribula-
tionibus, quæ invenerunt nos nimis.

Propterea non timebimus dum turbabitur terra : * et
transferentur montes in cor maris.

Sonuerunt, et turbatæ sunt aquæ eorum : * conturbati
sunt montes in fortitudine ejus.

Fluminis impetus lætitificat civitatem Dei : * sanctifica-
vit tabernaculum suum Altissimus.

Deus in medio ejus, non commovebitur : * adjuvabit
eam Deus mane diluculo.

Conturbatæ sunt gentes, et inclinata sunt regna : * de-
dit vocem suam, mota est terra.

Dominus virtutum nobiscum : * susceptor noster Deus
Jacob.

Venite, et videte opera Domini, quæ posuit prodigia
super terram : * auferens bella usque ad finem terræ.

Arcum conteret, et confringet arma : * et scuta com-
buret igni.

Vacate, et videte quoniam ego sum Deus : * exaltabor
in gentibus, et exaltabor in terra.

Dominus virtutum nobiscum : * susceptor noster Deus
Jacob.

Gloria Patri, et Filio, et Spiritui Sancto, etc.

Et interim proram navis aspergat aqua benedicta.

Postea revertitur in medium navis et ibi dicat :

¶. Dominus vobiscum.

¶. Et cum spiritu tuo.

¶. Sequentia sancti Evangelii secundum Joannem.

¶. Gloria tibi Domine.

Joan. vi.

In illo tempore : Cum cognovisset Jesus, quia ven-
turi essent, ut raperent eum, et facerent eum regem,
fugit iterum in montem ipse solus. Ut autem sero fac-
tum est, descenderunt Discipuli ejus ad mare. Et cum
ascendisset navim, venerunt trans mare in Caphar-
naum : et tenebræ jam factæ erant, et non venerat ad
eos Jesus. Mare autem, vento magno flante, exurge-
bat. Cum remigassent ergo quasi stadia viginti quin-

que, aut triginta, viderunt Jesum ambularem supra
mare, et proximum navi fieri : et timuerunt. Ille autem
dicit eis : Ego sum, nolite timere. Voluerunt ergo
accipere eum in navim, et statim navis fuit ad terram,
in quam ibant.

OREMUS.

Deus, cujus in mari viæ, et semitæ in aquis multis,
intende supplicantium preces : et famulos tuos, in hac
navi constitutos, maris semitas peragrandes, quos sa-
cramentorum tuorum perfundit gratia, potentiae tuæ
dextera protector regas, et in fluctibus gubernes, ad-
versus omnes formidines atque infortunia, omnibusque
in hac navi contentis substantiis, atque impositis bene-
dicas, eorumque lucra multiplices : ac contra cunctarum
terrarum, et maris discrimina eos propitius de-
fensare digneris. Per Christum Dominum nostrum.
¶. Amen.

Postea dicat :

Kyrie eleison. Christe eleison. Kyrie eleison. Pater
noster, etc. Ave Maria, etc. Credo in Deum, etc.

*Et interim aspergat totam navim aqua benedicta. Et
finito Credo, fiat commemoratio Sancti, sub cuius invoca-
tione fuit benedicta navis. Qua finita dicat Sacerdos :*

¶. In mari viæ tuæ, et semitæ tuæ in aquis multis :
et vestigia non cognoscentur.

¶. Deduxisti sicut oves populum tuum, in manu
Moysi, et Aaron.

¶. Domine, exaudi orationem meam.

R. Et clamor meus ad te veniat.

¶. Dominus vobiscum.

R. Et cum spiritu tuo.

OREMUS.

Exaudi nos, Domine Sancte, Pater omnipotens, æterne Deus: et mittere digneris sanctum Angelum tuum de cœlis, qui custodiat, foveat, protegat, visitet atque defendat omnes habitantes in hoc habitaculo.

Omnipotens sempiterne Deus, qui beatum Petrum Apostolum tuum, super mare ambulantem ad te venire jussisti, et coapostolum ejus Paulum tertio naufragantem de profundo pelagi liberasti, bene ✕ dicere digneris hanc navim; et famulis tuis in ea navigantibus, in tua misericordia confidentibus adesse digneris, ut ope misericordiae tuæ adjuti, ad loca destinata, et ad portum salutis, sine impedimento, sani, et incolumes valent pervenire. Qui vivis et regnas in sæcula sæculorum. R. Amen. Et benedictio Dei omnipotentis Patris, ✕ et Filii, et Spiritus Sancti descendat super hanc navim, et navigantes in ea, et maneat semper. R. Amen.

Salve Regina, *cum oratione Concede nos famulos tuos, etc.*

BENEDICTIO NAVIS, RETIUM, ET RELQUI APPARATUS AD
PISCANDUM.

(Ex Rit. Barcin. et Ord. Seraph. S. Fran.).

¶. Adjutorium nostrum in nomine Domini.

R. Qui fecit cœlum et terram.

¶. Domine, exaudi orationem meam.

R. Et clamor meus ad te veniat.

¶. Dominus vobiscum. R. Et cum spiritu tuo.

OREMUS.

Per virtutem Sanctissimæ Crucis, defendat vos Deus ab omnibus malis et periculis: et ego in nomine ipsius absolvo vos ab omnibus maleficiis, et operacionibus diaboli et ministrorum ejus. R. Amen.

Aña. Asperges me. Asperget aqua benedicta omnia supradicta.

¶. Dominus vobiscum. R. Et cum spiritu tuo.

OREMUS.

Exaudi nos, Domine Sancte Pater: et mittere digneris Sanctum Angelum tuum de cœlis, qui custodiat, foveat, protegat, visitet, atque defendat homines istos, navim, remos et retia. Per Christum, etc.

¶. Dominus vobiscum.

R. Et cum spiritu tuo.

¶. Sequentia sancti Evangelii secundum Lucam.

R. Gloria tibi Domine.

Lucæ, v.

In illo tempore: Cum turbæ irruerent in Jesum, ut audirent verbum Dei, et ipse stabat secus stagnum Gennesareth. Et vidit duas naves stantes secus stagnum: piscaiores autem descenderant, et lavabant retia. Ascendens autem in unam navem, quæ erat Simonis, rogavit eum à terra reducere pusillum. Et sedens doce-

bat de navicula turbas. Ut cessavit autem loqui, dixit ad Simonem : Duc in altum, et laxate retia vestra in capturam. Et respondens Simon, dixit illi : Præceptor, per totam noctem laborantes nihil cepimus; in verbo autem tuo laxabo rete. Et cum hoc fecissent, conculserunt piscium multitudinem copiosam; rumpebatur autem rete eorum. Et annuerunt sociis, qui erant in alia navi, ut venirent, et adjuvarent eos : Et venerunt, et impleverunt ambas naviculas.

Per Evangelica dicta ducat et reducat vos Dominus in pace, et abundantia piscium. Amen.

¶. Dominus vobiscum. ¶. Et cum spiritu tuo.

OREMUS.

Protector in te sperantium Deus, qui pisces et creaturas omnes ad servitutem hominis creasti, infunde bene ✠ dictionem tuam cœlestem super hos famulos tuos, et super navim, remos ac retia : et sicut sanctis Apostolis tuis, per totam noctem laborantibus, solo præcepti tui verbo multitudinem piscium contulisti ; ita facias cum servis tuis, donando eis tranquillitatem temporum, incolumentem corporum, abundantiamque piscium. Per te Salvator, qui cum Patre, et Spiritu Sancto vivis et regnas in sæcula sæculorum. ¶. Amen.

OREMUS.

Domine Deus omnipotens, omnium rerum creator et conservator : concede famulis tuis ; ut meritis et intercessione Beatissimæ et gloriosissimæ, semperque Virginis Mariae, et omnium sanctorum Apostolorum, Mar-

tyrum, Confessorum, Virginum, et Viduarum, navigationem suam feliciter faciant, et punctionem. Qui vivis et regnas in sæcula sæculorum. ¶. Amen.

OREMUS.

Bene ✠ dic, Domine, retia ista ad piscandum. Bene ✠ dic navigium et funes. Bene ✠ dic remos et universam sarcinam, ad piscium captionem necessariam : et praesta ; ut reptilia maris ad tuam sanctam bene ✠ dictionem veniant, et in usum hominum capiantur. Per Christum Dominum nostrum. ¶. Amen.

Hæc est clavis David (*dicendo hæc verba efformabit signum crucis super puppim, proram, et super duo latera naviculae ex parte externa*), quæ claudit, et nemo aperit : aperit, et nemo claudit. Frænum vobis pono, dæmones, malefici et maleficæ ; ut ad istam naviculam et retia accedere non possitis ; nec laborantibus cum eis malum aliquod inferre ; nec fructus maris impedi : imo confringantur vires vestræ, et destruantur à potentissima manu Dei, qui in Trinitate perfecta vivit et regnat in sæcula sæculorum. ¶. Amen. Ite in pace. Amen.

BENEDICTIO RETIS.

(Ex Col. P. Sannig).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Quæsumus, Pater Omnipotens, æterne Deus, ut mittere digneris bene \ddagger dictionem tuam sanctam in istud rete, quod benedicimus in sancto tuo Nomine, et Filii tui Domini nostri Jesu-Christi, et Spiritus Sancti, quem admodum benedicere dignatus es Sanctorum Apostolorum tuorum rete, cum dixisti eis: mittite in dexteram navigii rete, et invenietis, impletumque est multitudo ne piscium; ita nos non propter nostra merita, sed propter tuam clementiam, adjuvare digneris tua gratia, ut de tuis donis tibi semper gratias agamus, qui es benedictus in sæcula sæculorum. **R.** Amen.

Aspergatur aqua benedicta.

BENEDICTIO IGNIS.

(Ex Rit. Vicen. ord. ab Illmo. E. D. de Toc. et ex Rit. FF. ord. B. V. M. de Mont. Car.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Domine Jesu-Christe, Deus omnipotens, lumen indeficiens, exaudi nos famulos tuos, et bene \ddagger dic hunc ignem, qui tua sanctificatione, atque bene \ddagger dictio ne consecretur. Tu qui illuminas omnem hominem venientem in hunc mundum, illumina tenebras cordis nos-

tri, et conscientias nostras igne tuæ charitatis: ut tuo lumine igniti, et illuminati, expulsis à cordibus nostris peccatorum tenebris, ad vitam, te illustrante, pervenire mereamur æternam. Qui vivis, et regnas, etc.

Aspergatur aqua benedicta.

BENEDICTIO IGNIS IN FORNACE LATERUM, VEL CALCIS ARDENTIS.

(Ex Rituali Gerundensi).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Deus, qui filios Israel in operibus lutis, et lateris amaritudine perductos misericorditer aspexisti: bene \ddagger dicere, et sancti \ddagger facere digneris hunc ignem pro coccione istorum lapidum, vel laterum à fidelibus tuis præparatum: ut in eo diu, noctuque laborantes semper in gratiarum actione maneant; et fideles tui in domibus ex ipsis fabricandis, te semper diligere et laudare valent. Per Christum, etc.

Aspergatur aqua benedicta.

BENEDICTIO INCENSI.

(Ex Rit. Tarr. Barc. Urg. Gerun. et Col. P. Sannig).

- V.** Adjutorium nostrum in nomine Domini.
- R.** Qui fecit cœlum et terram.